

故宮博物院
珍藏

天台山全志·石鐘山志



故宮博物院編

海南出版社

故宮珍本叢刊第 259 冊史部地理類山水

故宮博物院編

天台山全志 石鐘山志

海南出版社

蘇子卿

PDG

圖書在版編目(CIP)數據

故宮珍本叢刊.第259冊,地理·山水,天台山全志、石鐘山志/故宮博物院編.-影印本.-海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06510 號

故宮珍本叢刊第 259 冊

史部·地理·山水

天台山全志 石鐘山志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:32.5 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

天台山方外志原序

顧起元

史莫良於志天地人物禮樂刑名至奧渺夥蹟矣然而圖謀度數存焉虛可稽也實可錄也苟擅三長寧歟四善哉志莫良於山紀載之難有數端焉猿棲熊館鳥道蛇盤蠟屐從所未經樵斧繇來罕到卽有幽奇何緣覲覲雁宕徑僻於宋年黃海道登於明代非其驗與故真見難詳自昌黎慟哭於落雁之峰王陽迴馭於羊腸之阪文人墨客往往心快臥游具窮濟勝丹椒翠蘿月磴天崖祇標異於登高眺遠之篇間問奇於牧豎樵夫之口言之若夢槩乎有聞信耳既非任目逾舛山之真形

天台山全志

原序

一

從是遁矣故傳聞難據時易世移陵虛谷實噤隨方改字以俗訛石翳蘚中疇覩神清之洞門潛水底詎窺小有之天或古有而今無或此非而彼是文士疑而莫質野老沿而不知辨而析焉良未易也故考証難精經丘尋壑別引勝流攀木援藹必資曠日而或輟軒欲駕恨束馬之未能杖履以遊虞羸糧之不繼非倥偬而靡暇卽悵望而無力徒遙想於冥搜曷散懷於奮藻故結撰難富兼而有之者其惟無盡大師之志天台乎師以法中龍象坐大道場以舌上珠璣作大佛事監舊志之未廣思靈跡之無徵析竹晨編然松瞑寫緝爲山志數十

萬言自山名以及文章有涉茲山者罔不採其故實綴彼菁藻至台教之真文高人之遺韻尤加詳焉頃以請藏金陵屬予爲序予受而卒業向之所難今之所易可謂冥通地絡潛鏡山靈勒遐寶於清都垂洪謨於法界者矣蓋其住山三紀振錫千峰徧尋不死之庭畢踐無人之境有勝必窮無險不陟與夫目游赤崙耳剽多妄者異矣而又蘿封之字替入搜羅樹挂之錢咸資索且日探月歷神畫形摹以故琪樹金松同檢桐君之籙墨池茶圃雙甌管子之題巨細不遺名實無爽又何有攷之未精撰焉未備者乎嗟乎覽應邵之記如禪岱宗

天台山全志

原序

二

披王履之圖若臨仙掌猶曰地以文奇境因語麗耳至若道元之注水經旁洽異書靈運之賦山居廣陳奇物千載而下等諷詠於登陟婉簡冊於丹青志而若斯斯已偉矣師之天台庶幾是乎若夫精詮教貫宏闡宗風霏法雨於松樞雲慈雲於蘿幌花飄座側樂鼓空中斯又地靈以人傑逾章山筍與海藏同久者也彼鵲衍常記伽藍慧遠曾經廬阜厥稱著矣豈如斯志名寄區中理存方外將使絕粒茹芝之客默引瑤梯餐風味道之侶羣登寶筏者哉

重輯天台山志啓

竊惟瀛洲表異海外共想神山靈越正基宇內聿尊台嶽五芝八桂孫興公旣奮藻於前萬壑千巖白玉蟾欲乘風於繼望石梁以天矯銀河偏鎖長虹仰天柱以峻嶒金闕還籠翠黛宮闈桐柏休文欲解紱抽簪山拱鳳凰純陽覓度人換骨結廬盤石厥號靈墟宴坐脩林爰鐫佛隴呼吸堪通帝座詩思在華頂峰頭躋攀直狎天門春色滿藤公嶺外玉霄壘嶂猶聞襲美之詩天姥重崖曾入青蓮之夢高明爲翻經而始方廣與蓋竹爲鄰路入桃源芒屨便通雙闕水分龍母星槎直走滄溟赤

天台山全志

啓

城聳天半朱霞疑樹漢家之幟危瀑掛雲間白練憑誇陸氏之經允矣洞天共賞靈仙窟宅誠哉福地寧讓蓬閭煙嵐而且玉宇璿房原稱參錯瓊林瑤圃更爾璘璠勝尋丈之天桃花開躑躅龍葱之巨竹室護琅玕鶴翎寔域外之葩琪樹豈人間之種黃精甘醴仙餌紛紛紅朮香茅靈苗郁郁從來羽士惟此藏丹亦有緇流於斯卓錫訪伊人於空谷誰傳真逸芳踪問脩景於槃阿祇有傳燈舊志夫八重繚繞奇峰原聚於仙都而五縣迴環勝致尚標於別邑金庭一觀照耀剡東王愛諸山蜿蜒回浦乃未將圖經備攷而祇以邑乘爲憑以致闕

焉未詳亦或存而多穢聯元賞心幽整作吏名區未解

案牘之繁空憶間丘遺蹟每有山林之興長懷司馬高風念居郡守四年擬輯天台一志必藉遠搜文獻庶幾廣擴見聞如或錄有名篇或藏有善本或山間古碣未蝕蘚苔或室內穹碑猶明鈎畫或名公鉅卿之記詠或文人騷士之歌吟或黃冠開士卽景寫懷或旅屐遊筇登高作賦或存全部或僅短章不以古今是限亦勿多寡爲拘但係何代之人更屬何方之士務詳梗概勿使差譌各檢曹倉共尋鄴架藉貽逸韻用集新編倘屬二酉秘藏亦期一瓶借覽隨當完璧豈有爽言幸勿吝金

天台山全志

啓

玉之音庶共關山川之蘊云爾

二

天台山全志目錄

卷二

凡例 形勝考

卷二

山

卷三

峰巖 嶺溪 洞石

卷四

物產

卷五

天台山全志 目錄

宮觀 祠廟

卷六

寺院

卷七

釋

卷八

仙道

卷九

古蹟

卷十

存疑

卷十一

序 碑記

卷十二

遊記

卷十二

遊記

卷十四

賦

卷十五

天台山全志 目錄

詩

卷十六

詩

卷十七

詩

卷十八

詩

天台山全志卷之一

楚郢張聯元覺菴輯

凡例

一天台無主山主峰爲諸山之總稱周圍八百里源自括蒼壁脈而來從關嶺過峽頂對三辰當女牛分野上應台宿孫綽賦云落五界而迭征李善註五縣之界謂餘姚句章鄞剡始寧舊赤城志載棲山登真隱訣云大小台處五縣中央註謂五縣係餘姚句章臨海天台剡縣蓋因建置沿革不一故也今實界天台新昌嵊縣臨海寧海五縣中央明釋傳燈恐靈蹟無

天台山全志 卷之一

徵輯天台山方外志采故實而掇菁藻誠爲山靈寫照但山川名勝止以天台邑乘爲憑則所云周圍八百里處五縣中央者似屬無謂予覽而惜之因於公餘涉歷台山旁採各志以補前志缺略名曰天台山全志

一天台山高一萬八千丈惟華頂峰爲台山最高處下瞰衆山如龍虎盤踞旗鼓布列之狀又如蓮華爲華心之頂故名潘慎詩云此是名山第一層是也舊赤城志與郡邑志俱載天台山爲首方外志舍天台山不敘豈以無主山主峰故耶茲敘山仍首天台敘峰

則首華頂敘寺則首善興宗天台而尊華頂亦高山仰止之意也

一神邕山圖以赤城爲南門新昌石城爲西門徐靈府以剡縣金庭觀爲北門方外志中形勝考一篇核敘詳明以金地佛隴寒風關察嶺爲南門第一支螺溪幽溪爲南門第二支檀溪歡溪靈墟爲東門第一支王愛筋竹爲東門第二支大同澄深摘星石覓爲北門第一支慈聖金庭觀爲北門第二支會墅彩煙天姥爲西門第二左支關嶺秀溪白巖萬年爲西門第二右支此皆以華頂爲主而各門環向但將華頂亦

天台山全志 卷之一

一混列於西門石橋斷橋混列於北門青溪女梭福聖桐柏俱混列於西門則誤矣予謂應以金地至察嶺爲南門黃振幽溪螺溪爲東南門王愛筋竹爲東門第一支靈墟爲東門第二支大同澄深爲東北門慈聖金庭爲西北門石橋斷橋萬年藤公會墅天姥彩煙爲西門桃源關嶺白巖秀溪桐柏爲西南門則以天台華頂爲宗主而八門定矣

一山志皆有圖而天台延袤既廣圖其全則累幅難窮若寫其一峰一巒則如八景之類未見全璧况風光翠色與時變換原非圖畫所能模倣故不欲漫漶以

資唐突山靈之誦

一顧野王輿地志云天台山一名桐柏衆嶽之最秀者也天台縣西北崇道觀曰桐柏山寧海縣西四十里葛元煉丹處在天台極東亦曰桐柏山嵎縣東八十里亦曰桐柏山山之西有金庭觀真誥云天台山周圍八百里是言天台而桐柏在其中又云金庭桐柏山周圍八百餘里一頭在會稽東海際一頭入海中緣漢時章安屬會稽郡至吳赤烏二年始析會稽東郭置臨海郡且云一頭在東海際一頭入海中是言桐柏而天台在其中矣故天台山南至黃壇嶺青溪南二

天台山全志

卷之一

三

十五里北至龍公馬鼻澄深寺北三十里寧海縣新昌交界東至海際西至天姥彩煙始符山有八重周圍八百里之語并應以天台縣之桐柏山爲中桐柏寧海縣之桐柏山爲東桐柏嵎縣之桐柏山爲西桐柏

一台邑西八十里天柱山而外與東陽縣分界尚遠東四十里至筋竹東北六十里至靈墟卽與寧海分界其大同之東澄深之北俱屬寧海分界故寧海一邑北自天門閭風臺南至桑洲小桐巖百有餘里間皆爲天台山左臂

一天台山八百里中層巒疊嶂奇峰逦迤起伏翺等千

態萬狀志中山峰巖嶺名目不能捫蘿越磴備考悉載尚有待於康樂冥搜之展也

一徐靈府云赤城山有瑤花芝草柳泌亦言天台山多芝草異藥故琪樹賦於興公金松賦於文饒鶴翎則花如芍藥杜鵑則高翳紫薇靈葩翠莖俱非常產其食物則黃精黃獨芭橡芋栗之屬藥物則交藤茯苓仙茅根子之屬俱勝於他處若穀蔬蟲介之繁不能概載

一山中非有社稷城隍學宮之祀但有祠宇列於山中或可式靡維風或能興雲致雨亦別列一條

天台山全志

卷之一

四

一台之爲郡萌芽於漢至唐改爲台州志云以天台山而名是時猶爲僻左惟釋道二氏六朝時卽早著見聞偉殿穹堂上摩霄漢洞天福地大書圖籍宮觀寺宇之富實台山爲最今道觀十廢其九僧寺亦十廢其三子姑仍其舊而存之

一天台山爲神仙窟宅羅漢隱居雖不無荒唐過實然晨肇桃源已有其地根碩赤城亦有其山至於孝先稚川洪景平叔瓊瑄之徒著書養真原非凡骨而司馬承禎與陳子昂李白王維賀知章輩爲仙宗十友笑捷徑於終南著坐忘於桐柏卽蟬蛻非眞其高風

可仰偕如曇猷留顓灌頂德韶輩俱有盛名而寒山拾得踪跡神異題詠頗多閒遠此卽所謂應真示現而人不之識耶因次列仙道志次列釋志

一古今代謝勝蹟未墮如書堂墨池遺鏡舊竈並或居址可考手翰可徵字鐫石上塔聲雲間俱令人徘徊空谷眺詠幽奇至於片石久埋碑文零落亦錄某人某時所撰以附於古蹟之末若攬勝亭臺以及從前珍賚俱載於寺觀之下毋庸複入

一羽仙身未到於台山並雜志或涉於渺幻雖有其事竝入存疑

天台山全志

卷之一

五

一天台山名勝甲天下列代文人韻士登高賦詠者多矣古今名作存者盈篇累冊一景之下不能多列用另分卷帙仍以地名貫之以便稽考其散軼無存道遠莫致或祕於石室珍於幽人見聞未逮無計搜羅難免掛一漏萬之謂維博雅君子輯而續之

所載詩篇惟摹寫山川名勝非因人品臧否去取故雖亡宋如秋壑而石橋一律亦不以人廢

一天台山名勝久著四方遊覽以及近地棲隱固多名賢本名之下止就見聞所及稍敘爵里若遊屐偶臨餘俟考訂續爲序列

一是書於丙申秋始行採輯丁酉春開雕夏季卽告竣爲期旣促而四方郵寄詩篇多有未至或一題已完復寄有佳製則另爲續刊其題前後未免重出然將來作者便可隨時付梓

天台山全志

卷之一

六

形勝考

釋傳 燈

天台山高一萬八千丈周迴八百里山有八重四面如一復有四門智者大師以赤城爲南門以新昌石城爲西門徐靈府又以剡縣金庭觀爲北門余謂準此當以王愛山爲東門或者疑以爲誕不知皆有所徵也蓋名山福地必有神聖呵衛不祥惟此台山自古及今無有虎豹之暴曾以是訊諸山民僉曰四門之內周環民居卽有惡獸經由惟犬羊等物是殘見人則妥尾走匿草莽間審如是則所謂聖僧道場神僊窟宅信矣若取之則凡在台州屬境皆其區域以牛女分野何啻千里故

天台山全志

卷之一

七

唐宋已來以台州名郡蓋取乎此若約靈異以分山憑諸書以割地則自縣治以南皆非也然台鴈二山皆東南勝境古人未有定其優劣者余始遊鴈宕見其峰巒秀拔奇形怪狀將謂海內名山無有勝此及登天台山觀其規模宏大又恍然自失因而品曰鴈宕山其猶李青蓮之五言古詩也天台山其猶杜拾遺之五言古詩也以子美之詩上薄風雅下該沈宋言奪蘇李氣吞曹劉掩顏謝之孤高雜徐庾之流麗盡得古人之體勢而兼昔人之所獨專近之故也蓋此山在下望之不啻千仞及昇其巔四通八達間皆可數十里如在平地其勝

天台山全志

卷之一

八

一也至登華頂峰頭東望大海南觀鴈宕西矚括蒼北眺錢塘一覽可盡其勝二也俯瞰羣峰皆在其下羅列環遶或如蓮葉或如華鬚恍疑一朵芙蓉浮於海上其勝三也僧寺道院桑麻相接鐘梵鳴於天上雞犬吠於雲中其勝四也雖極其幽邃之地皆明爽開豁使人襟抱蕩然其勝五也山與通衢左近車馬絡繹其下勝概羅列其巔可望而不可到其勝六也山無背向四面如一其勝七也山有八支八溪爲界以華頂爲車軸山之周遭如八軸輪亦如八葉覆蓮其勝八也山產衆藥又多肥蕨黃精此足供居者糗糧其勝九也山林深遠卽居民亦有未臻其奧者可以避隱其勝十也且赤城爲其南標石城爲其西固東蒼爲其睂四明爲其目中有瓊臺雙闕佛隴香鑪石梁瀑布等諸景骨肉不偏形神俱妙所以爲勝也此其梗槩耳若夫赤城建標珠林簇簇誰其淡諸霞紅雲綠則有赤城山之勝五峰環翠宮殿俱高雙澗奏響和以松濤則有國清寺之勝溪界山出路沿澗入瀑布龍湫涼風襲襲則有金地道中之勝金地在上壁立萬仞蒼龍委蛇濟以天磴則有金地嶺之勝竹塢茆茨疎磬問發法語琅琅金繩寶筏則有定光菴之勝古塔皇封與山龍從瞻之仰之萬世高風則

有真覺寺之勝法流洙泗佛道康莊贊賢境界脩禪道場則有佛隴大慈寺之勝大雷峰下白雲精舍數里平原幽人命駕則有太平寺之勝路入羊腸身親龍關山橡藤梨美哉膚核則有寒風關道中之勝亦有桑麻非人間者豈軒轅丘廣莫之野則有長壽文殊西竺諸寺之勝萬山之中其嶺陂陀若槃之宮尚餘煙蘿則有紫嶺下高寮舊隱之勝此南門第一支取華頂之直道以南鼎溪爲界也若夫放生池上碧水盈隱有物龍去猶名螺溪則有清心寺之勝長松數挺野廟披離昔人傳教今歸與誰則有傳教寺廢墟之勝疊嶂千重溪梁百

天台山全志

卷之一

九

折泉落樹頭流雲噴雪則有螺溪道中之勝仰攀丹崖危磴半欹梯雲們葛乃可探奇則有幽谿嶺之勝幽谿講肆車塵不喧山林盤鬱別有乾坤則有高明寺之勝路隔三山可望離即松蘿家泉流上泐則有清涼寺遺蹟之勝下有寒泉藏熱神龍石筍高峙砥柱虛空則有螺蛸潭之勝溪南溪北上游下游經梵相聞以耕以脩則有黃潭諸菴之勝聖僧西歸性遺雙展精神不磨竟化爲石則有聖蹟內外菴之勝此南門第二支取華頂之紆路以螺溪爲界也若夫雲林覆殿寶篋藏經諸天散花神鬼來聽則有慧明寺之勝覺路平平好山相

迎谷風溪水且輕且清則有楮溪道中之勝山藏太古水奏琴心惟昔高士允矣知音則有齊高士顧歡隱處之勝水窮山盡有地靈墟盤石可坐精廬可居則有天封寺之勝此東門第一支取華頂之直道以楮溪爲界也若夫丹山夷夷草木萎蕤何獨王愛我亦愛之則有王愛山之勝脩竹千竿蘭若數楹長者福聚衲子化城則有筋竹嶺菴之勝雲生足底人行天上誰挈我衣空中五兩則有彌陀菴仰天湖道中之勝此東門第二支取華頂之仄徑以水母溪爲界也若夫山光明媚水色澄鮮真阿練若樂矣三禪則有澄深寺之勝猿梯達漢

天台山全志

卷之一

十

鳥道通玄疑其登老屋日月邊則有摘星嶺之勝山藏八景高僧所安微如毒主其塔猶完則有大同寺之勝瑞草藉地拱木蔽天禽猿嘯聚杳無人煙則有石覓道中之勝此北門第一支取華頂之岐路以羅水溪爲界也若夫神僊福地茅竹洞天金庭觀側義之家焉則有金庭觀之勝路崎而勝水險而清籃輿竹筏恣我南征則有福溪道中之勝山奇蹟聖佛慈如如豐碑古記元章之書則有慈聖寺之勝方廣觀面伊誰能見八萬度門聊通一線則有石梁橋之勝瀑瀉懸崖石潭淙淙奇哉誰設元龍之功則有斷橋之勝此北門第二支取華

頂之險路以福溪爲界也若夫千山倒景蘆葦藏舟中有釣叟機忘海鷗則有青溪之勝青山巖巖飛流界道織女停梭牛郎凝眺則有瀑布水之勝仙人拍掌玉女瀟湘亦有僧寺是稱僊居則有玉女溪瀑布寺福勝觀之勝九峰迢遞元宮迢遞僊凡路隔度以三橋則有桐相宮之勝瓊臺海漢雙閣凌霄其誰神司僊者王喬則有瓊臺雙閣之勝此上有元明洞大仁齋純素諸宮白雲書昌諸觀聖壽法輪法蓮諸院臥雲菴等諸處之勝小山爲伍環舍千畝寺倚危峰坎坎鐘鼓則有護國寺之勝溪更樹麻上有僊家雲中古洞尚餘桃花則有桃

天台山全志

卷之一

十一

源之勝其上有慈雲普光西定慧蓮華峰上皆慈證教諸寺之勝在焉此西門第一支取華頂之紆路以開溪爲界也若夫石沼爲池石山爲城金錫像教功由巨靈則有石城山之勝慈氏寶相百八亭亭金光赫奕勤矣三生則有石佛之勝採藥歸來雲仍七世桑梓猶存千年僊系則有劉阮村之勝南有梅山北有梅橋司馬子微悔後帝招則有司馬悔橋之勝將入僊都天爲設險險豈在山塵凡難轉則有會聖嶺之勝紫雲薇野亦翳丹霞異產何物苓朮胡麻則有彩煙山之勝昔人夢遊我亦玄菟靈僊窟宅葛洪丹丘則有天姥山之勝紅塵

白雲僊凡道分石梁捷徑瑞氣氤氲則有石梁道之勝僊人鞭石如牛如馬亦如萬舟激流而下則有僊人浪之勝其甘如醴其寒如冰應心之泉有待而興則有應心泉之勝此西門第二左支以黃杜溪爲界也關嶺之傍畱鄭有坊賢哉邑侯尚遺甘棠則有關嶺之勝石室深邃厥名白巖神靈祥瑞余悉其凡則有白巖山之勝萬峰攢翠列如畫屏一溪直界混混流青則有秀溪口之勝奇峰插天翠莊綠翳飛瀑如虹懸崖飄曳則有龍湫瀑布之勝此西門第二右支以秀溪爲界也古木千章平田數頃中有梵宮殆絕人境則有萬年寺之勝往

天台山全志

卷之一

十二

者聖僧歸自東海輕駕鐵船其湖猶在則有鐵船湖之勝平田飯僧於是邀請松柏森森爲羅漢嶺則有羅漢嶺之勝心外無法滿目青山香鑪峰側別開元關則有通元峰香鑪峰之勝萬八峰頭寺鄰帝座天籟梵音六時叅和則有華頂寺之勝身出五雲天空海闊星辰四垂斗柄可幹則有華頂峰之勝此西門第二支取華頂之康莊也是中有二岐路一至會墅由小路上藤公嶺與萬年會校近十里而景差劣一至萬年過道人坑先往石梁至察嶺頭會校遠五里而景差勝也若夫春日載陽草木生香山花奪目好鳥相將則有春景之勝朱

明赫赫樹蔽原隰數里無塵泉流澗側則有夏景之勝涼風振條林木蕭蕭踣鴟黃獨山家正饒則有秋景之勝元冥司職喧塵時息幽溪泉鳴圓通之宅則有冬景之勝華頂峰頭旭日在下午沉乍浮魚龍驚詫則有日觀之勝秋蟾皎皎繁露津津上薄林葉萬頃鋪銀則有月觀之勝朝雲矯異高下平填疑清涼界敷兜羅綿則有雲觀之勝江山飄瞥林木嶙然珠宮玉闕吾亦神僊則有雪觀之勝黃梅驟雨鼓以谷風或如飛瀑有似流虹則有雨觀之勝朝雨初歇霧氣方收千巖競秀萬壑爭流則有霽觀之勝余家幽溪鄰於佛隴濟勝之具既

天台山全志

卷之一

五

健遊山之杖復備有勝則遊興至則遊不必擇時招友蓋台山之勝無論四時之佳雨霽雪月朝雲暮霞無不可人者昔人以西湖比於西子謂淡妝濃抹總相宜余謂台山之勝故當過之識者必以余爲知言然證明此道者要有煙霞之志泉石興趣復須經旬累月不疲足力乃可希覲其或朝入暮出既無笙歌之娛耳復無桃李之艷情以此責台山之不勝余則避席之弗暇焉今依舊志復列山川形勝於左以貽好事者之博蒐妙在觀象得意無得案圖索馬

天台山全志卷之二

楚郢張聯元覺菴輯

山

天台山 爲諸山之總稱按陶洪景真語云天台山高

一萬八千丈周圍八百里山有八重四面如一十道

志謂之頂對三辰或曰當牛女之分上應台宿故曰

天台一曰大小台以石橋大小得名亦號桐柏棲山

登真隱訣曰大小台處五縣中央顧野王輿地志云

天台山一名桐柏衆嶽之最秀者也徐靈府記云天

台山與桐柏接而少異神邕山圖又采浮屠氏說以

天台山全志

卷之二

一

爲閭浮震旦國極東處或又號靈越孫綽賦所謂託靈越以正基是也抱朴子內篇云諸山不可煉金丹以其皆有木石之精惟太華少室縉雲羅浮大小台正神主之可以修煉靈敞詭異爲天下巨觀又支遁天台山銘序云往天台當由赤城爲道而神邕山圖亦以赤城爲南門石城爲西門徐靈府小錄又以剡縣金庭觀爲北門蓋皆指山之所至言之蜀樊建天台山行記云自桐柏至華頂台山八重蓋其延袤有如此者藏教所載羅漢靈蹟記有云赤城巖與天台瀑布靈溪四明相連而天台懸崖峻特峰頂刺天下

有石橋跨澗晉束皙啓蒙記云天台去人不遠路自福溪水淺而清福溪在天台縣北四十里與華頂石橋相近范侍郎志要云華頂爲台山絕頂特秀其原遠未可窮昔人謂發脈紹興故孫賦以爲託靈越以正基又謂海濱起伏二百六十餘峰而融結於此按天台山處五縣中央赤城舊志載五縣謂餘姚勾章臨海天台剡縣因析置不一今實界天台臨海寧海新昌嵊縣

赤城山 在天台縣西北六里一名燒山又曰消山石皆霞色望之如雉堞因以爲名山之麓有巖極深廣

大台山全志

卷之二

二

晉義熙初僧曇猷造寺號中巖齊僧慧明復就塑一佛像名臥佛其上又有巖二曰結集曰釋籤蓋灌頂湛然遺跡也西有玉京洞北有金錢池絕頂有浮屠七級梁岳陽王妃所建下有洗腸井上有仙人井飛流噴沫冬夏不竭支遁天台山銘序云往天台山當由赤城爲道而神邕山圖亦以赤城爲台南山南門張亨鉞云赤城山仙史載茅司命所治爲第六洞天萬山青翠此獨赭面如霞從縣小西門出門外卽赭溪溪色類丹砂兩岸草木輝映景便明麗至下巖翠竹叢翳青染人衣屋緣洞設楹向明開巖中滴水涼沁

心脾曲折登上巖亦有徑竹樹葉洞前一樓便於眺覽巖上小洞口有玉京二字色黃層落不滅傳是魏夫人煉丹之所左折至穿劍巖空懸天半中開一線形如棗核右折至釋籤巖斗室茅椽乃湛然釋教觀處過息遶經白蛇洞至頂有曇猷洗腸井並畦叢生不絕頂上浮屠係梁時所建佇眺羣山日窮天表煙靄雲濤晴嵐雨氣隨時變換山後有數小峰迤邐於尾遠觀如赤幟建豎此又赤城之變相也

金墩山

乃赤城山南行支壠盤曲逕遙與赤城輝映

桐柏山

在赤城山北十里七十二福地之一由青溪

大台山全志

卷之二

三

進北而入嶺路九折至洞門一望佳景豁然道觀屹處其中唐司馬承禎隱此舊圖經云周靈王太子晉主金庭治桐柏山卽此也按此山爲中桐柏洞門之陰有透瓶泉泉甚寒冽盛以錫瓶則津津然滲漏於外

方巖山

由桐柏北上一峰可五里許上有平田十餘畝間以陂池前眺蒼峰後卽雲蓋峰唐長慶中徐靈

府居此因賜今名

九峰山

徐靈府小錄云瀑布寺前有九峰蓋台山之

枝幹舊名九壘王羲之與支遁遊焉唐天寶六年改

九峰神邕山圖云此嘗創桐溪寺

按瀑布寺在桐柏嶺下則瀑布寺前

九峰山自卽桐柏九峰也亦城舊志亦不另載九峰山

司馬悔山 在天台縣北一十三里第十六福地司馬

承禎應召至此而悔因以爲名又雲爰七載載司馬

悔山在天台山北李明仙人所治之處山在天台新

昌二境間又有司馬悔橋在新昌東南四十里亦因

司馬承禎被召至此而悔故名

瓊臺雙闕兩山 自桐柏西北行二里至元應真人祠

取道仙人蹟經龍潭側凡五里至瓊臺雙闕皆翠壁

萬仞森倚相向宋祥符中山人張無夢結菴於此徐

天台山全志

卷之二

四

大受山行摘句云大鑿之心瓊臺突起嵐光破綠狀

如削瓜下俯百丈龍湫心悸骨驚不可近視張亨鉞

曰從下觀上歷樵徑循坑而入潭石相間進五六里

許見瓊臺正面削突嚴整是錦翠蒼葢而成者其旁

兩山崖壁對峙如張繡屏皆削立至腳謂之雙闕令

人目眩神怡從上觀下取徑桐柏攀援而下絕壁森

倚峰巘層疊悚然心悸不可近視至半山有仙人座

形骸俱具如蟬蛻而去者馬鞍石駕大巖上人可攀

乘若月夜獨踞臺中如鋪金鏤玉烟燦人心目衆峰

淡遠皆隱見空濛杳靄間尤覺清曠絕倫夏竦銘云

瓊臺巖巖左右如闕直上相等蘿交蔓結啓閉雲氣

出入日月千里若綫羣峰如屑凌霄厭海吞吳跨越

靈墟山 白雲先生隱處圖經云在天台縣北六十里

七十二福地之一與寧海分界

鷓鴣山 在天台縣西北四十五里常有鷓鴣鳴故名

石橋山 在天台縣西北六十里兩山相並連亘一百

里舊傳五百應真之境有石梁架兩崖間龍形龜背

廣不盈咫其上雙澗合流洩爲瀑布西流出剡中下

臨萬仞飛泉回射危滑欹側狀如橫虹且多莓苔甚

滑過者目眩心悸按赤城舊志云凡往來人供茗必

天台山全志

卷之二

五

有乳花效應或寶炬金雀靈跡梵嚮接于見聞云夏

竦銘山壤獻靈融結推功穹隆石梁飛雲架空垂流

下微絕岸旁通煙華溟濛矯矯翔龍朝日矐矐蜿蜒

騰虹願接天孫以助登封

斷橋山 自石橋下菴對嶺沿澗行可十五里則一石

梁中斷因以爲名卽小石橋也下臨危澗亂石密布

有龍湫龍拖石張亨鉞云由石梁左澗而入樹翳竹

暗披藁覓路移石渡溪雖松莽羊腸亦有澗石平鋪

如砌高高下下旋至斷橋兩巖相闕如大甕萬丈白

虹捲空而來奔落甕中聲如崩雷墮石伏巖上伸頸

下視令人股戰齒擊是瀑下有數坎相連一坎輒停一坎又下水態變幻無常傍山有龍拖石細狹蜿蜒似龍形再行里許至嶺下則水珠簾飛流噴沫坐久則寒骨沁心不復知有人世矣若冬雪後凌寒顧盼更為勝絕

龜山 在天台縣南五里以下敘山自南而西

鯉山 與龜山相近

銀山 在天台縣南十里

始豐山 在天台縣西南十五里舊以狀類盤龍名龍

山唐天寶中更今名

天台山全志 卷之二

六

折山 在天台縣西十六里神邕山圖云其山峭崿險

折中峰拔立孤秀舊傳王喬控鶴於此又名鶴峰

鼻山 在天台縣西南一十五里以形名載唐書地理

志下有龍湫旱禱常應

土牆山 在天台縣西四十里屹若牆立故名見唐書

地理志

甌山 在天台縣西三十五里下有鈞磯石

瀑布山 一名紫凝山在天台縣西四十里有瀑布垂

流千丈與國清福聖二瀑為三其山出奇茗神異記

云餘姚人虞洪入山採茗遇一道士引三青羊至此

山曰吾丹丘子也聞子善具飲今以茗奉給祈子他日有甌犧之餘相遺也後嘗與家人入山獲大茗焉

千佛山 在天台縣西五十里山麓有廣嚴寺峰巒層

疊周圍佛剎故名

寒石山 寒山子所居今呼為寒巖在紫凝山西三十

里前有盤石曰宴坐峰上有石室舊名掛石洞米芾

題曰潛真四山環峙如郭郭上蓋雲漢其下嵌空置

佛屋不用瓦覆洞左有小甌塔是寒山子蟬蛻處由

宴坐西有石如櫺簾蘿蔓縈綴其西有石梁可數尺

架兩崖間險峻不可涉南有泉如屋雷寺僧縻竹屐

天台山全志 卷之二 七

引之前距山腹一里有道人洞轉西二里亂石灑流

巖竇間散若虬髯因號龍鬚洞台山絕勝處也臨海

記云石室前有立石參差五色遠望如綬帶舊傳為

綬帶山產石髓石脂絕妙有仙人石棺

明巖山 與寒石山對峙舊名閭巖巖之前峭壁屹立

勢摩穹蒼亦號幽石其下竅穴透邃日光穿漏中有

僧全率棲真洞轉北數步怪石森然上有兩峰倒側

號合掌巖西有泉蔽崖而下煥若垂箔寺僧亦用竹

屐引之從高下墜號曰水索由寺北捫蘿而下至重

巖磐石品列即三隱嘯詠之地常有光如月號石月

其東有嚮巖擊之聲鏗然

雷馬山 在天台縣西九十里

天柱山 在天台縣西九十里南有黃水峰

東橫山 在天台縣東十里狀如覆舟故又名覆船山

四面迥絕無所連接即丹丘山也相傳漢時有老姥於此種菜採藥號丹丘老姥唐時又有劉仙人號澹

竹居士於此山脩煉故名丹丘其山土色紅潤頂方而闊中多沃田泉水雖旱不竭神邑山圖謂為台山

之勝其上坦夷可三十頃中有三泉冬溫夏冽西有絹機巖南有犀牛望月巖北有雞籠石上有賽雨壇

天台山全志

卷之二

八

即曹法師祈雨處有許真君廟在焉又有書堂係朱文公與徐竹溪講學之所其小徑則竹溪所居也嘉靖間邑令鍾紐築丹丘臺於其上山之南盡處有石如婦人舊稱為新婦巖

以下敘山自東而北

鳳凰山 在天台縣東十里志要云山形似鳳者三故

其地亦名鳳林崖上有仙人掌跡甚鉅南有釣魚臺及呂洞賓所遊之地名為呂道岸其地夏日蚊蠅不

入所產艾草入藥最佳

亭山 在天台縣東三十里

寶華山 在天台縣東三十里產花乳石稍西有雲頂

菴

蒼山又名東蒼峰 在鳳凰山東二十五里神邑山圖

云其山凌映桐柏絕頂睇滄海以其蒼蒼接漢故名

古經云其山鳴吼必有大風雨神邑以桐柏接寧海

界在天台縣極東處非今置觀之桐柏也山有三潭

其龍最靈宋封靈澤孚濟侯

蔓蘿山 在天台縣東北三十里

覆盆山 在天台縣東四十里頂平東西二隅有二井

地理家為台郡臨海山川之美皆自此胚胎進行發

秀

天台山全志

卷之二

九

接石山 繫船山 俱在天台縣東四十里

松山 在天台縣東南四十里

招賢山 在天台縣東四十五里又名雙峰山

東掖山 在臨海縣東北四十五里舊經云天台之左

掖也有隔塵洞

王愛山 在寧海縣西六十里與天台分界唐咸通中

刺史裴甫據寧海殺令陳仲翁懿宗遣王式發兵討

之戰於海口上嚮海游三處甫敗遂從此山遁去通

鑑作黃罕嶺誤按王愛山去黃振嶺十五里天台縣

志載亦以高宗坐玩得名

自此山至柯仙山俱在天台縣及靈墟之東俱